



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-442-4/21**
Datum: **26.10.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica «NEIMAX» d.o.o. Visoko za izdavanje vodne dozvole za indirektno ispuštanje otpadnih voda u podzemne vode sa lokacije kompleksa za proizvodnju valovitog kartona i kartonske ambalaže izgrađenog u naselju Čekrekčije, grad Visoko, na osnovu člana 109. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola, pravnom licu «NEIMAX» d.o.o. Visoko, za indirektno ispuštanje otpadnih voda u podzemne vode sa lokacije kompleksa za proizvodnju valovitog kartona i kartonske ambalaže izgrađenog u naselju Čekrekčije, na zemljištu označenom kao k.č. broj: 30/1, 31/1, 32/1 i 34/1 K.O. Čekrčici, grad Visoko.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz slijedeće uslove:
 - 2.1. Da korisnik predmetnog objekta za proizvodnju valovitog kartona i kartonske ambalaže, istu održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode iz procesa proizvodnje, onečišćene vode sa saobraćajnih, radnih i manipulativnih površina, nesmetano sakupljaju i odvođe do objekata predviđenih za tretman tehnoloških otpadnih voda (biološki prečištač i separatori ulja i masti), a zatim ovako tretirane vode ispuštaju u recipijent - drenažni sistem sa sabirnim oknom iz koga se prečišćena voda ponovo vraća u proces proizvodnje i koristi za hidrantsku mrežu.
 - 2.3. Objekte čija je svrha odvođenje i prečišćavanje onečišćenih voda (biološki prečištač, separatori ulja i masti, slivnici i rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost, tj. da efluent, prije ispuštanja zadovolji granične vrijednosti emisije propisane Prilogom 17 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 2.4. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru.
 - 2.5. Da korisnik predmetnog kompleksa, u skladu sa Zakonom o zaštiti okoliša, na siguran način sakuplja i skladišti otpad i staru ambalažu od ulja i maziva, do njihovog konačnog zbrinjavanja od strane registrovanog preduzeća.
 - 2.6. Talog iz separatora i postrojenja za biološki tretman tehnoloških otpadnih voda ne smije se ni privremeno odlagati na česticu «vodno dobro», odnosno u vodotok i na njegove obale.
 - 2.7. Nakon izgradnje vodovodne i kanalizacione mreže za poslovnu zonu u naselju Čekrekčije, Investitor je dužan da priključi objekat na gradsku vodovodnu i kanalizacionu mrežu prema uslovima koje odredi nadležno komunalno preduzeće.
 - 2.8. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna

- ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji.
- 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.10. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Investitor je dužan provoditi sve mjere i aktivnosti propisane istom.
5. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne pristojbe.
8. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Prije isteka važnosti ove dozvole Investitor je dužan da podnese zahtjev za izdavanje nove vodne dozvole.

O b r a z l o ž e n j e

Od strane pravnog lica, «NEIMAX» d.o.o. Visoko, dana 22.09.2021. godine, podnesen je ovoj Agenciji zahtjev za izdavanje vodne dozvole za ispuštanje tehnoloških otpadnih voda sa lokacije kompleksa za proizvodnju valovitog kartona i kartonske ambalaže izgrađenog u naselju Čekrekčije, općina Visoko.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o upisu u suski registar subjekta upisa, broj: U/I-507/00, izdatog dana 06.11.2000. godine od strane Kantonalnog suda u Zenici,
- Ovjerena kopija Rješenja o izmjenama podataka o upisu subjekta u sudski registar, broj: 043-0-Reg-15-001194 izdatog dana 15.12.2015. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 25.12.2015. godine od strane Porezne uprave-Kantonalni ured Zenica,
- Ovjerena kopija Uvjerenja o registraciji obveznika poreza na dodanu vrijednost, broj: 04/1-17-1-UPJR/1-2175-2/16, izdatog dana 31.03.2016. godine od strane Uprave za indirektno-neizravno oporezivanje Banja Luka,

- Kopija Rješenja o odobrenju za građenje – promjena namjene postojećeg objekta, broj: 12-23-00621/16 izdatog dana 03.03.2016.godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za upotrebu proizvodno-poslovnog objekta, broj: 12-23-02848/16 izdatog dana 12.10.2016.godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja okolinske dozvole, broj: 12-23-00962/16 izdatog 22.02.2016.godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja kojim se daje dozvola za upravljanje otpadom, broj: 12-23-4928/16 izdatog 22.06.2016.godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopije zahtjeva za produženje okolinske dozvole i dozvole za upravljanje otpadom, podnesenih 20.09.2021.godine Ministarstvu za prostorno uređenje, promet i komunikacije i zaštitu okoline Zeničko-dobojskog kantona,
- Ugovor za čišćenje separatora i postrojenja, broj: 1632/16 sklopljen dana 05.09.2016. sa «DELTA PETROL» d.o.o. Kakanj,
- Studija o korištenju i ispuštanju voda na poslovnom objektu za proizvodnju valovitog kartona i kartonske ambalaže, urađena jula 2016. od strane «ES HYDROTECHNICS» d.o.o. Sarajevo,
- Projekat izvedenog stanja – vodovod i kanalizacija, šifra 2015.11.30.H urađen dana 30.10.2015. od strane «PERKON ENERGIJA» d.o.o. Kiseljak,
- Dokaz o uplaćenju upravnoj i administrativnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog poslovnog objekta u naselju Čekrekčije, grad Visoko i tom prilikom sačinjen je zapisnik o uviđaju broj: UP-I/21-3-40-442-3/21 od 21.10.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Pogon za proizvodnju valovitog kartona i kartonske ambalaže izgrađen je u naselju Čekrekčije. Proizvodni objekat ima sljedeće sadržaje: prostoriju za smještaj linije za proizvodnju kartona i kartonske ambalaže, kontrolnu soba za praćenje procesa proizvodnje, skladište repromaterijala, kotlovnice, trafostanicu, upravni dio i sanitarni čvor. Uz objekat su izgrađene tri nadstrešnice za smještaj uglja i otpadnog papira i kartona. Vanjske saobraćajne i manipulativne površine su uređene i asfaltirane.

Kao sirovina za proizvodnju kartona koristi se papir i ljepilo. Ljepilo se priprema kuhanjem vode i skroba i skladišti u bazen a zatim zatvorenim sistemom cijevi transportuje u proces proizvodnje.

Kao energent u procesu proizvodnje koristi se para iz vlastite kotlovnice. Kotao za proizvodnju tehnološke pare je koristi mrki ugalj. Šljaka iz kotla se odlaže na privremenu natkrivenu deponiju, a zatim odvozi na regionalnu deponiju u Zenici.

Tehnološke otpadne vode koje nastaju od pranja opreme i prostorija, prikupljaju se sistemskom kanala sa srešetkama, gdje se vrši njihovo taloženje a zatim se odvođe na separator ISEA tip 800 HT.

Fekalne otpadne vode odvođe se na biološki prečištač otpadnih voda ISEA BIO-CRO CASA1 koje se sastoji od taložnika i bioreaktora.

Oborinske otpadne vode sa saobraćajnih i manipulativnih površina prikupljaju se sistemom slivnika i odvođe na dva separatora ulja i masti sa koalescentnim filterom ISEA tip 3000 KB.

Prečišćene vode iz svih separatora i biološkog prečištača odводе se u upojno polje koje se sastoji od sistema drenažnih cijevi sa sabirnim oknom iz koga se voda crpi i vraća u proces proizvodne, te se koristi kao tehnološka voda i voda za potrebe hidrantske mreže. Za piće se koristi flaširana voda.

Ovaj sistem snabdijevanja vodom je privremenog karaktera do izgradnje javnog vodovodnog i kanizacionog sistema za poslovnu zonu općine Visoko, kada će se objekat priključiti na javne sistem vodovoda i kanalizacije u skladu sa uslovima javnog komunalnog preduzeća.

Na osnovu provedenog postupka konstatuje se da je podnosilac zahtjeva «NEIMAX» d.o.o. Visoko, ispunio minimum uslova za izdavanje vodne dozvole za indirektno ispuštanje otpadnih voda u podzemne vode sa lokacije kompleksa za proizvodnju valovitog kartona i kartonske ambalaže izgrađenog u naselju Čekrekčije, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- «NEIMAX» d.o.o. Visoko, Ul. Radinovići bb, 71300 Visoko
- ⊙ AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava